



Namminersortuuneq Suliassarujussuaq, ajornanngilarli

Namminersorluni Oqartussaanerup eqqunneqareerneratigut aningaasatigut namminersorneq isiginiarneqalerpoq. Anguniagaq aamma Kalaallit Nunaani Sulisitsisut Peqatigiiffiata aamma sulissutigisaa. Aurorap normuani kingullermi oqaluttuaraarput tamanna pissutigalugu inuiaqatigiinni aningaasatigut immi-
nut nappassinnaasumik ingerlanissamut sukumiisumik nalilersuinissammik GA
suliniummik aallartitsisoq. Nalunaarusiap NIRAS Greenlandimit suliarineqartup
takutippaa naalagaaffimmiit tapiissutitaqanngitsumik aningaasatigut imminut
nappassinnaasumik ingerlanissaq anguniagaq annertuujusoq – tamannalu
aatsaat pisinnaasoq namminersortuunerup annertuumik ineriartortinneratigut.

Nalunaarusiap inerniliineri pingaarnertit uani saqqummiuppagut.

Namminersorluni oqartussaaneq pillugu allaqqavoq Qallunaat Nunaanniit tapiissutit allannguuteqaratik aalajangersimasuusut, aammalu namminersorlutik oqartussat su-liassaqrarfiit naalagaaffimmiit tigusatik nammineq aningaasalersussagaat. Tamassuma 3,8 mia. kr. assigaa (imaluunniit innuttaasumut ataatsimut 68.000 kr. missaanni), taakkulu akileraarutitigut ullumikkut isertinneqartartut tamarmiusut assigipajaarpaat. Aningaasatigut imminut nappassinnaasumik ingerlanermi pisariaqarpoq Kalaallit Nunaata taakku nammineq aningaasalersussagai taamaalillunilu pisortat aningaasaqarniarnerisa oqimaaqatigiissilerlugit. Tamassuma saniatigut avammut tuniniaanermi isertitanik nutaanik pilersitsisoqartariaqarpoq, taamaalilluni pisiat tunisallu oqimaaqatigiissinneqalissallutik.

Taamaallaat inuuniarnermi atugassarisat ajornerulernerisigut *imaluunniit* namminersortuunerup annertuumik ineriartortinneratigut aningaasatigut imminut nappassinnaasumik ingerlasoqalersinnaavoq. Suna qinerniarneqarnerisooq politikikkut apeqqutaavoq. Kisiannili aamma takuneqarsinnaavoq ataatsimoorullugu piffissamut siviisuumut anguniagaqarneq aningaasaqarnerup ineriartornerata siuarsarnissaanut taper-siisinnaasoq.

Kalaallit Nunaat nunanut allanut sanilliullugu sukkt assigiinngissuteqarpa?

Kalaallit Nunaat nunani allani pissutsit assigilluinnarlugit ingerlasinnaangilaq, kisiannili tunngaviummik aningaasatigut pissutsit allanngortinneqartariaqarput, aningaasatigut nammineerneq piviusunngortinneqassappat:

1. Pisortat aningaasartuutaat tunisassiornermut sanilliullugu annertuallaarput, BNP-llu 75 %-iata missaaniillutik, nunanilu allani BNP 50%-iata missaaniit-tarput.
2. Akileraarutitut akitsuutinullu akiliutit annikipput. Nunani allarpassuarni akileraarutit tunisassiornerup affarisarpari, Kalaallillu Nunaanni pingajorarterutaasa mis-saaniillutik.
3. Ilinniarsimaneq appasippoq, taamaammallu inuit ikitsuinnaat annertuumik tuni-sassiornermik inuussutissarsiuteqarput. Taamaalilluni inuiaqatigiit isertitakippal-laarput.
4. Sulisut tamarmiusut affaannaat namminersortuni sulipput. Assersuutigalugu Qallunaat Nunaanni to tredjedelit missaaniipput.
5. Isertitat agguataarnerisa assigiinnginnerat takussutissaavoq ikittuinnaat pisin-naasaqalerfimmik ilinniarsimasuusut, taamaammallu annikitsumik tunisassiorlu-ni inuussutissarsiortuni sulisuusut.
6. Nunaqarfinni inuppassuit aningaasatigut inissisimanagerat ajorpoq, tamannalu isertitat agguataarnerisa assigiinnginnerinut pissutaaqataavoq.

Immikkoortuut suut suliniuteqarfigineqassappat?

Uulia gassilu piffissami siviisunerusumi aningaasatigut namminiilernissamut *tunnga-viusinnaapput*, kisiannili pilersaarusiornermi taamaallaat taakkunannga isertitaqarnis-saq tunngavigineqarsinnaangilaq. Akerlianik immikkoortuni allani arlalinni suliniute-qartoqartariaqarpoq, assersuutigalugu akileraarutit qaffasinnerusut, pisortat aninga-asartuutaat appasinnerusut, nunassittarnerup allanngortinnera aammalu namminer-



sortuunerup ineriartortinnera. Immikkoortuni taakkunani *tamani* suliniuteqartoqarnis-saa pingaartuuvoq.

Piffissami siviisunerusumi akileraarutit qaffasinnerusut

Pisortat missingersuutaat oqimaaqatigiissilerniarlugit akileraarutitigut isertitat aamma pisortat aningaasartuutaat amerlaqatigiittariaqarput. Aningaasartuutit ullumikkut aki-leraarutini isertitanut sanilliullugit marloriaataasa missaaniipput. Pisortat isertitaat qaf-fatsinniarlugit akileraarutit akitsuutillu qaffanneqarnissaat pissusissamisoorpoq, kisi-annili sunniutissaat killeqarput. Akileraarutit qaffasinnerusut assersuutigalugu suliffis-sanik neqeroorutit ikinnerusut aqutitigalugit aningaasatigut ineriartorneq akornuser-sinnaavaat, suliffeqarfiillu Kalaallit Nunaannut inissingitsoorneqariaannaallutik. Ta-manna isumaqarpoq akileraarutit akitsuutillu Europap kitaanit annertutigilersillugit piffissami sivikinnerusumi imaaliinnarluni qaffanneqarsinnaangitsut. Tamannali ani-ngaasatigut nammineerneq qulakkeerniarlugi piffissami siviisunerusumi aqqitassaa-voq.

Pisortat aningaasartuutaat appasinnerusut

Aningaasartuutit oqaannarluni appartinneqarsinnaangillat, tamannalu ilaatigut pis-sutsinik arlalinnik pissuteqarpoq:

1. *Pisortani akissarsiat namminersortuni akissarsiat malippaat:* Assersuutigalugu aalisartoq aatsitassarsiornermilu sulisoq tunisassiorsinnaanerulerpata ilinniartit-sisoq, nakorsaag atorfilillu aamma taamatut pisariaqarput. Nakorsaag amerlaneru-sunik ajornarnerusunillu pilaalissaaq, ilinniartitsisoq pitsaanerusumik ilinniartit-sissaaq il.il. Kisitsisit akunnaallisarlugit taamaalilluni pisortani akissarsiat nammi-nersortuni akissarsiat malissavaat.

2. *Pisortat ikiuutaat qaffakkiartortut*: Assigiinngitsumik atugaqarneq akuersaarneqanngippat kikkut tamarmik aningaasatigut ineriartornermi pissarsissapput. Suliffeqarfinni aningaasarsiat qaffappata pisortat ikiuutaannik pissarsiat aamma qaffanneqarnissaat piumasaqaataalissaaq
3. *Namminersortut siuariartorpata pisortat sullissinerisa annertunerulernissaa ujar-torneqalissaaq*: Namminersortut siuariartorpata annertunerusumik isertitaqar-toqalissaaq, pisortallu sullissinerisa pitsaanerulernissaa aamma ujar-torneqalis-salluni, taassuma ataani meeqqat atuarianni, peqqinnissaqarfimmi, paaqqinnit-tarfanni il.il.
4. *Ineriartorneq pisortat aningaasartuutaasa qaffannerisa kingunerisinnaavaa*: Pi-sortat aningaasartuutaat qaffasinnerusut piffissami sivikitsumi aningaasatigut ineriartornermi kinguneqarsinnaavoq. Ilinniartitaanermi, attaveqaatsini il.il. ani-ngaasaliissutit qaffanneqarneri aamma piffissami sivisunerusumi aningaasatigut ineriartornermik kinguneqarsinnaapput.

Inuiaqatigiinni tunisassiorneq qaffappat pisortat aningaasartuutaat aamma qaffas-sapput, kisiannili qanorluunniit pisoqaraluarpat namminersortut ingerlatsinerat anner-tuumik annertunerulissaaq. Naak ajornakusooraluartoq pisortat aningaasartuutaat appasinnerusut aamma sakkussaapput pingaaruteqartut.

Nunassittarnerup allanngortinnera

Piffissami sivikinnerusumi aningaasatigut annertuumik periarfissaavoq innuttaasut sumiiffinni ikinnerusuni najugaqarpata. Ilaatigut inuiaqatigiit pisuussutaat atorluarne-qarnerulissapput. Kisiannili nunaqarfinniit illoqarfinnut nutserneq siunissami aningaa-saliiffigineqartussaavoq, tassami piffissami sivikitsumi aningaasartuutit qaffannerinik kinguneqarsinnaammat. Tamassumunnga pissutaavoq inuk ataaseq arlallilluunniit nunaqarfinniit illoqarfinnut nuuppata, taakku assersuutigalugu peqqinnissaqarfimik ilinniartarfimik atuinerulertussaapput aammalu inissiani najugaqartussaalluni. Tamassu-munnga peqatigitillugu nunaqarfinni sullissinerit ingerlaannartussaapput. Akerlianik nunaqarfik matuneqarpat atuarifik matuneqarsinnaavoq aammalu innaallagissamik, imermik, uuliamik, telemik pisiniarfimillu pisariaqartitsisoqarunnaassaaq. Aamma-taaq sumiiffinni imminnut qanittut inueruppata amerlanerusunik periarfissiissapput, tassa timmisartumik umiarsuarmillu angallassinerit ikilissammata.

Nunassittarneq pillugu oqallinnermi alla tassaavoq pisortat akileraarutigigut iserti-taat appasippallaalernissaat, amerlasuut annikitsumik tunisassiorfiusartui sulippata, suliffissaqartitsinerit tapiissutit imaluunniit suliffeqartoqanngippat. Allatut oqaati-galugu: Inuiaqatigiinni atugarissaarnissamut aningaasaliissutit maangaannassapput sulisinnaasut amerlavallaat tapersiinngippata.

Naak aklerliiffiusinnaagaluartoq, nunassittarnerup allanngortinnera aningaasatigut namminiilernissamut aqqutissat ilagaat.

Namminersortuunermik ineriartortitsineq

Pisortat aningaasartuutaasa appartinnerat akileraarutillu qaffannerat naammangi-laq. Pingaarnertut oqaatigineqartutut namminersortuunermik annertuumik ineriartortin-eqassaaq. Periarfissat ilaat aalisarnermiippat, assersuutigalugu pisariillisaanikkut, kisiannili aamma tassaasinnapput aluminiuliornermi aatsitassarsiornermilu suliniutit

angisuut, taakkulu siunissami inuussutissarsiornermik siuarsaassapput. Taassuma saniatigut eqqarsaatigineqarsinnaavoq piffissap ukiut 20-30-it ingerlaneranni ullumik-kut ilisimanngisatsit inuussutissarsiornerup ineriartornissaa.

Annertunerusumik namminersortuunermik ingerlatsinissamut pingaaruteqarpoq pi-sariaqartitanik sulisunik pissarsisoqarsinnaanissaa aammalu aningaasarsiat pisin-naasanut naleqqunnissaat. Annertunerusumik inuussutissarsior-tut taamatut ineri-ar-torneq qulakkiissavaat, kisiannili politikikkut aamma tapersersuisoqartariaqarpoq. Assersuutigalugu aalisarnerup pisariillisarneqarnissaa qulakkeerniarlugu (takuuk Aa-lisarneq pillugu Ataatsimiititaliarsuup isumaliutissiissutaa), kisiannili aamma pingaar-tumik inuussutissarsior-tunut ataatsimut isigalugu pitsaasunik atugassaqartitsinikkut.

Periarfissaasinnasut marluk

Nalunaarusiami periarfissat marluk allaaserineqarput, tassani aningaasaqarniarneq pitsaasumik ineriartorluni. Periarfissami siullermi (“Periarfissaq – siuariartortoqarpoq”) apeqquataatinneqarpoq aluminiuliorfeqalernissaa aatsitassarsior-toqalernissaa aammalu aningaasaqarniarnerup ajunngitsumik ingerlanissaa. Periarfissat aappaanni (“Periarfissaq -suna-tamarmi-ajunngitsumik-ingerlavoq”) tunngavigineqarpoq sulini-utit annertuut Kalaallit Nunaata annertunerpaamik pissarsivigissagai, pisassiissutit aammalu raajanut aalisakkanillu tunisassiat akiisa qaffannissaat kiisalu politikikkut ili-uutsinik annertuunik piviusunngortitsisoqarnissaa.

“Periarfissaq-siuariartortoqarpoq”: Uani tunngavigineqarpoq aluminiuliorfimmik aatsitassarsiornermilu suliniutit arlallit piviusunngortinneqarnissaat, taamaalilluni inuus-sutissarsior-tuni suliffiit nutaat 3.500 missaaniittut pilersinneqassallutik. Kisiannili naat-sorsuutigineqanngilaq inuiaqatigiit pingaaruteqartumik allanngussasut, suliffissanik neqeroorutit amerlanerungaatsiassasut imaluunniit pisortat ingerlatsinerat annikinne-





rulissasoq. Taamatut pisoqarnerani aluminiuliorfimmik suliniutip ingerlatsinerimi pisortat aningaasaqarniarnerat ukiumut 100 mio.kr.-it missaani pitsanngoriartissavai, aatsitassarsiornermilu suliniutit 200 mio. kr. missaannik tapersiissallutik. Tassani sulisut amerlanersaat tikititaassapput. Periarfissami tassani aammattaaq tunngavigineqarpoq nunaqarfanniit nutserarnerup ingerlalereersup annertusinissaa, taamaalilluni nunaqarfiit arlallit matuneqassallutik kiisalu akileraarutit akitsuutillu qaffaneqassallutik. Tamanna 0,8 mia.kr.-it missaanni pitsanngoriaateqartoqassaaq. Aningaasaqarnikkut annertuumik siuariartoqaraluarpuunniit 3,8 mia.kr.-it amigaatigineqartut pissarsiariniarlugit annertunerungaartumik pisoqartariaqarpoq.

“*Periarfissaq-suna-tamarmi-ajunngitsumik-ingerlavoq*”: periarfissami tassani Kalaallit Nunaata suliniutit annertuut arlallit piviusunngortinneratigut aningaasaqarneq ineriartorpoq tassungalu peqatigitillugu politikikkut suliniutit annertuut piviusunngortinnerarlutik. Aammattaaq tunngavigineqarpoq aningaasaqarneq ajunngitsumik ineriartortoq. Allatut oqaatigalugu periarfissaq pineqarpoq aningaasaqarnikkut annertuumik ineriartorfiusoq.

Pisassiissutit aammalu raajat aalisakkanillu tunisassiat allat akii 25%-imik qaffapata, tamanna pisortat karsiinut tamakkerlugu 600 mio.kr.-inik tapersiissaaq. Ilimanangilaq akit annertussusiillu annertuumik qaffakumaartut, taamatulli pisoqarsinnaavoq – suut tamarmik ajunngitsumik ingerlappata.

Tunngavigineqarpoq aluminiuliorfimmik suliniut aatsitassarsiornermilu suliniutit arlallit piviusunngussasut aammalu taakku politikikkut suliniutinik malitseqartinneqassasut, taamaalilluni suliffissanik neqeroorutit imatut amerlatigilissallutik, suliffiit nutaat sulisunit nunaqavissunit inuttalerneqarlutik. Taamaalilluni pisortat aningaasaqarniarnerat ukiumut 300 mio.kr.-it missaanni pitsanngoriassaaq, aatsitassarsiornermilu suliniutit 500 mio.kr.-it missaanni pitsanngoriartitsillutik. Pingaartumik aatsitassarsiornermi suliniutit illoqarfanniit ungasissut annertuumik suliniuteqarnissamik pisariaqartitsipput, suliffiit nunaqavissunit inuttalerneqassapata.

Aammattaaq tunngavigineqarpoq immikkoortuni allani inuussutissarsiorneq ineriartussasoq, taamaalilluni namminersortuni sulisut 2.000-inik amerlissallutik, tassungalu

peqatigitillugu taakku amerlaqataannik pisortani sulisut ikilillutik. Pisortani sulisut 2.000-inik ikilippata pisortat aningaasartuutaat 500 mio.kr.-it missaanni appartinneqassapput.

Ataatsimut isigalugu periarfissami tassani atorfiit 6.500-it pilersinneqassapput. Qanorluunniit pisoqaraluarpat ilinniartitaanermi annertuumik suliniuteqarnissaq inuiaqatigiinnilu annertuumik aallanngortoqarnissaa pisariaqartinneqarpoq.

Nunassitarneq eqqarsaatigalugu ilimagineqarpoq innuttaasut inoqarfinni ikinnerni najugaqalissasut, tamannalu piffissami sivilisunerusumi pisortat aningaasartuutaasa 500 mio.kr.-it missaanni ikilinerannik kinguneqassaaq. Taamaaliornikkut aamma namminersortuni atorfinni nutaani sulisussat pissarsiarineqarsinnaalissapput.

Illiutsit taakku saniatigut akileraarutit qaffannissaat pisariaqartinneqassaaq. Tunngavigineqarpoq suliniutit nutaat kingunerinik akileraarutit ullumikkumut sanilliullugu 1,2 mia.kr.-inik qaffassasut. Namminersortuni sulisut amerlanerulererat aningaasaqarniarnerullu qaffasinnerunera akileraaruserneqarsinnaasut amerlinerinik kinguneqassaaq. Tassunga ilanngunneqassapput suliffeqarfiit akileraarutaat akuersissutillu atornerqarnerini akiliutit. Periarfissami tunngavigineqarpoq avammut tuniniaanerup annertunissaa, aammalu pisiat tunisallu oqimaaqatigiissinneranni ataavartumik amigartooruteqartoqassanngitsuoq.

Taamatut amerlatigisut namminersortuni suliffeqalernissaannut tunngavigineqarpoq aalisarnermi pisariillisaanikkut, ikinnerusut pisortani atorfeqarnerisigut, tikisitat amerlernerisigut kiisalu suliffissanik neqeroorutit inunnik 2.500-inik amerlinerisigut pissasoq. Taamatut amerleriatitsineq pissaaq innuttaasut inoqarfinni ikinnerusuni najugaqarlerisigut aammalu inuit pisortat ikuuutaannik pissarsisartut sulilernerisigut. Periarfissami politikikkut tulleriinnilersuinerit apequtaassapput, assersuutigalugu pisortani sulisut amerlassusaat, akileraarutit akitsuutillu qaffannerisa annertussusaat aammalu innuttaasut qanoq annertutigisumik sumiiffini katersuutitinnerneqalneri uani tunngavigineqartumii allaanerulissanersooq. Kisiannili immikkoortut arlaat pisortat misingsersuutaanni annikinnerusumik pitsanngoriaateqartitsippat, immikkoortut allat annertunerusumik pitsanngoriaateqartitsassapput, 3,8 mia.kr.-it matussutissaqartinneqassapata. Aammattaaq pissutsit allat annertunerusumik tapersiinnaasut eqqarsaatigineqarsinnaapput, assersuutigalugu EU-mi ilaasortanngooqqinneq.

Allanngutit taamatut amerlatigisut inuiaqatigiit qanoq isigaat?

“Periarfissaq-suut-tamarmik-ajunngitsumik-ingerlapput”-mi allanngutit tamarmik piviusunngortinneqarpat Kalaallit Nunaat ullumikkumiit allaanerungaalissaaq. Siullermik aningaasaqarneq imatut pitsaatigisumik ineriartorsimatigissaaq nuna aningaasatigut nammineerluni. Aappasaanik aningaasaqarneq nunanut kitaaniittunut allanut assingussaq. Imatut allanngoriarsimassaaq:

- Pisortat aningaasartuutaat tunisassiornermut sanilliullugu ullumikkornit appasinnerussapput.
- Akileraarutit akitsuutillu annertussusaat kitaani nunani allanisut annertutigissapput.
- Ilinniartitaaneq annerunerulersimassaaq, inuillu amerlanerusut inuussutissarsiuutini annertuumik tunisassiorfiusuni sulissapput, taamaalilluni isertitat qaffassimassallutik.

- Suliniutit nutaat inuussutissarsiutillu annertusarniarlugit suliniutit allat kingunerisaannik namminersortut pingaaruteqarnerulissapput.
- Sulisut annertuumik amerlernerisigut inuiaqatigiinni isertitat agguataarneri assigiinnerulissapput, qaffasinnerusumik ilinniarsimasoqalernerusimassalluni ikinnerusullu suliffeqarfinnilu appasinnerusumik tunisassiortuni sulisut ikilissallutik.
- Innuttaasut sumiiffinni ikinnerusuni anginerusunilu najugaqassapput, ikinnerungaartullu aningaasatigut atugarliortuussallutik.

Naalagaaffimmit tapiissutit atorunnaarnerat imaaliinnarluni kinguneqassaaq inuiaqatigiinni isertitat ikinnerulerannik. Kisiannili eqqarsaatigigaanni “Periarfissaq-suut-tamarmik-ajunngitsumik-ingerlapput” iluatsittoq, tamassumunnga peqatigitillugu immikkoortuni arlalinni annertuumik siuariortoqassaaq. Ilimagisariaqarpoq tamanna imatut annertutigissasoq isertitat tamarmiusut ullumikkornit annertunerunissaat, ilaqutariillu amerlanersaat aningaasatigut siuariarnermik misigisaqassapput.

Ilimagineqarpoq nunat allat aamma ukiuni aggersuni siuariassasut, kisiannili periarfissami tassani Kalaallit Nunaattut annertutigiunngitsumik. Kisiannili Kalaallit Nunaanni assersuutigalugulu Qallunaat Nunaanni atugarissaarneq sulii assigiinngissuteqassapput.

Aningaasatigut nammineerneq qaqugu piviusunngortinneqarsinnaava?

Tassani ilaatigut apeqqutavoq aluminiuliorfik aatsitassarsiornerillu qanoq piviusunngortinneqassanersut aammalu inuussutissarsiornermi ingerlatat allat amerlissanersut, pisortani sulisut qanoq sukkatigsumik namminersortuni sulilersinneqarsinnaanersut, nunassittarneq qanoq sukkatigsumik annertuumik allannngortinneqassanersuq il.il. Piffissaq annertunerusumik nalilersorneqanngilaq, kisiannili eqqoriaasoqarsinnaavoq ukiut 30-40-50 ingerlassasut – immaqalu sivisunerusumik.

Erseqqissarneqassaaq periarfissaqa pineqarpiarmat suut tamarmik ajunngitsumik ingerlasut. Pissuserpassuit allaaneruseqarpoq, tamannalu eqqarsaatigalugu periarfissaq neriullarluni suliaavoq. Kisiannili assersuutigalugu affaat piviusunngortinneqarpata inuiaqatigiinni imatut annertutigisumik allannngortoqarsimasaaq, Kalaallit Nunaat aningaasatigut annertunerusumik namminiilersimassalluni.

Qanormi uulia gassilu?

Uuliamit gassimillu isertitat pisortat isertitaat annertuumik annertusitissinnaavaat namminersortullu aningaasaqarniarnerat annertusitillugu. Taamaammat uulia gassilu naammattumik annertussuseqarpata, tamanna aningaasatigut namminiilersinissamut aqutissaavoq. Kisiannili ajornanngitsutut isikkoqaraluartoq aningaasaqarnerup uuliamik gassimillu tunngaveqartinnissaa ajornartorsiutitaqanngitsuunngilaq. Nalorninarpog uulia gassilu pissarsiarineqarsinnaanersut, ilisimaneqanngilarlu uuliap akia ukiut 20-50-it qaangiuppata qaffasinnerussanersuq appasinnerussanersorluunniit. Qanorluunniit pisoqaraluarpat ilimagineqartariaqarpoq sunniuteqangaatsiassasut.

Piffissaq uani aamma soqutiginarpoq. Tunisassiortoqalissappat tamanna immaqaa aatsaat ukiut arfineq pingasut – qulit qaangiuppata aallartissinnaavoq. Taassuma kingorna immaqaa ukiut qulit ingerlaqqissapput pisortat akuersissutinut akiliutinik suliffeqarfiillu akileraarutaannik isertitaqalernissaannut. Isertitat taakku aatsaat annertup-

pata taassuma kingorna ukiut arlalit ingerlassapput uuliamit aningaasaateqarfimmi imatut annertutigisumik ileqqaartoqarsimalissaaq aningaasatigut nammineerneq piviusunngortinneqalissalluni. Ullumikkut uuliamik nassaartoqarpat ukiut 20-t ingerlariaannaapput – immaqalu sivisunerusumik – tamassuma periarfissaanissaa piviusorsiortuussappat. Taamaammat taamaallaat uuliamik gassimillu isertitat kisiisa tunngavialugit namminersulernissamik pilersaarusiornissaaq nalorninarpoq.

Kalaallit Nunaat aningaasatigut namminersulersinnaava?

Akissut naatsoq tassaavoq aap. Kisiannili immikkoortorpassuarni annertuumik suliniuteqarnissaaq pisariaqarpoq aammalu iluatsitsisoqartariaqarpoq, eqiasuisaartoqariaqarluni, pikkorissuseqartoqarluni politikikkullu annertuumik piimassuseqartoqartariaqarluni. Taamaattoqarpat allannguutit kinguneqassapput Kalaallit Nunaanni aningaasaqarnerup kitaani nunani allani aningaasaqarneq assigilissavaa – Kalaallillu Nunaanni inuiaqatigiit ullumikkumit allaanerungaassapput.

Nalunaarusiaq tamaat tabelit ilanngullugit GA-p nittartagaani uani www.ga.gl takuneqarsinnaavoq.

